



Broj: A-292/26

Datum: 01.04.2026. godine

ZŠR

Na osnovu člana 64. stav 1. tačka b), člana 70. i člana 89. Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javnu nabavku broj: A-292/26 od 31.03.2026. godine, glavna kantonalna tužiteljica d o n o s i:

## **ODLUKU**

o izboru najpovoljnijeg ponuđača

### Član 1.

Prihvata se preporuka Komisije za javnu nabavku izražena u Zapisniku o ocjeni ponuda nakon provedene e-aukcije broj: A-292/26 od 31.03.2026. godine i Ugovor o nabavi printera i multifunkcionalnih uređaja za potrebe Kantonalnog tužilaštva Unsko-sanskog kantona se dodjeljuje ponuđaču INTER-COM d.o.o. Zenica, Vrandučka 71b, 72000 Zenica, ID broj: 4218087760006 kojeg predstavlja direktor Safet Škaljić, za ponudenu cijenu prema tenderskoj specifikaciji roba nakon održane e-aukcije u iznosu od 4.890,00 KM bez PDV-a.

### Član 2.

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

### Član 3.

Obavezuje se izabrani ponuđač iz člana 1. ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3. podtačkom 3.1. tenderske dokumentacije.

### Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama i objavit će se na web stranici Kantonalnog tužilaštva Unsko-sanskog kantona.

## **O b r a z l o ž e n j e**

Postupak javne nabavke printera i multifunkcionalnih uređaja za potrebe Kantonalnog tužilaštva Unsko-sanskog kantona pokrenut je Odlukom o pokretanju postupka javne nabavke broj: A-292/26 od 27.02.2026. godine.

Javna nabavka je provedena putem konkurentskog zahtjeva za dostavljanje ponuda. Predmet javne nabavke predviđen je Planom nabavki Kantonalnog tužilaštva Unsko-sanskog kantona za 2026. godinu broj: broj: A-115/26 od 23.01.2026. godine i A-115-1/26 od 30.01.2026. godine, a) robe, redni broj: 8. – JRJN 30232100-5 – štampači i ploteri, 30232110-8 – laserski štampači.

Procijenjena vrijednost javne nabavke je 5.000,00 KM bez PDV-a. Za predmetnu javnu nabavku osigurana su sredstva u Budžetu Unsko-sanskog kantona za 2026. godinu na ekonomskom kodu 821300.

Obavještenje o nabavci broj: 1092-7-1-22-3-16/26 dostavljeno je na objavu dana 11.03.2026. godine. Radi provođenja postupka javne nabavke imenovana je Komisija rješenjem glavne kantonalne tužiteljice broj: A-292/26 od 27.02.2026. godine. Ugovorni organ je proveo postupak prikupljanja ponuda, kao i ostale aktivnosti vezano za nabavku, a u skladu sa odredbama Zakona o javnim nabavkama.

Ugovorni organ je predvidio zaključenje Ugovora sa ponuđačem koji dostavi najnižu cijenu, a prema specifikaciji roba iz tenderske dokumentacije.

Rok za dostavljanje ponuda bio je 23.03.2026. godine u 08:30 sati. Nakon isteka roka za dostavljanje ponuda evidentirano je da su u roku pristigle tri ponude i to:

1. A-292/26 br. 1 - Inter-com d.o.o. Zenica - brzom poštom - 19.03.2026. - 09:35h
2. A-292/26 br. 2 - EMADO d.o.o. Sarajevo - brzom poštom - 19.03.2026. - 11:05 h
3. A-292/26 br. 3. – ALF-OM d.o.o. Banja Luka – brzom poštom - 19.03.2026. –12:57 h

Komisija za javnu nabavku je dana 23.03.2026. godine u 09:00 sati blagovremeno i pravilno izvršila javno otvaranje ponuda, a zatim i ocjenu pristiglih ponuda, te utvrdila da su ponude gore navedenih ponuđača potpune, formalno uredne i za ugovorni organ prihvatljive, nakon čega je zakazala e-aukciju za dan 26.03.2026. godine u 13:00 sati.

Predvideno trajanje e-aukcije je bilo 10 minuta. Nakon završetka e-aukcije po izvještaju o toku i završetku e-aukcije od 26.03.2026. godine, utvrđeno je da tokom održavanja e-aukcije samo jedan ponuđač izmijenio svoju početnu cijenu, te je Komisija dana 31.03.2026. godine utvrdila konačnu rang listu ponuđača kako slijedi:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	INTER- COM d.o.o. Zenica	4218087760006	4.890,00 KM	2,2%	1
2.	EMADO d.o.o. Sarajevo	4201929330005	4.900,00 KM	0%	2
3.	ALF- OM d.o.o. Banja Luka	4400810890005	5.000,00 KM	0%	3

S obzirom na naprijed navedeno Komisija za javnu nabavku je dala preporuku da se ugovor za nabavku printera i multifunkcionalnih uređaja za potrebe Kantonalnog tužilaštva Unsko-sanskog kantona, shodno kriteriju najniža cijena, dodjeli ponuđaču INTER-COM d.o.o. Zenica, jer je navedeni ponuđač ponudio najnižu cijenu za predmetnu robu u iznosu od 4.890,00 KM bez PDV-a.

U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Slijedom svega prethodno navedenog odlučeno je kao u dispozitivu.

**POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101. Zakona o javnim nabavkama.

**7A GLAVNA KANTONALNA TUŽITELJICA**  
Mr.sci. Merima Mešanović



**Dostaviti:**

1. Ponuđačima
2. IKT službeniku radi objave na web stranici
3. a/a